

四庫全書

史部

# 欽定四庫全書

史部

通典卷八十五  
七至

詳校官侍郎<sub>臣</sub>李封

編修<sub>臣</sub>程嘉謨覆勘

覆校官助教<sub>臣</sub>吳省蘭

校對官助教<sub>臣</sub>金學詩

謄錄監生<sub>臣</sub>茅琳

欽定四庫全書

通典卷八十五

唐 京兆杜佑 君卿纂

禮四十五 凶七

喪制之三

既小斂斂髮服變

周大唐

周制士喪將小斂斬緣者以苴經大鬲下本在左腰經  
小焉散帶垂長三尺齊緣牡麻經右本在上亦散帶垂

皆異於東方

苴麻者其貌苴以為經服重者尚麤惡也異於東北之南苴經為上高音革

婦

人亦如之巽於房中既小斂主人髻髮袒衆主人絕於

東房

始死將斬緣者笄纁將齊緣者素冠今至小斂變又將初喪服髻髮者去笄纁而紒衆主人絕者齊

緣將袒以絕代冠冠服之尤尊不以袒也絕之制未聞舊說以為如冠狀廣一寸著之自額而却交於頂中併

其末覆紒而前綴連之如冠弁象

婦人髻於室

始死婦人將斬緣者去笄而纁將齊緣者骨笄

而纁今言髻者亦去笄纁而紒也齊緣以上至笄猶髻髻之異於髻髮者既去纁而以髮為大紒如今婦人露

紒其象也檀弓曰南宮縚之妻之姑之喪夫子誨之髻曰爾無從從爾太高也爾無危危爾太廣也其用麻布

亦如著幘頭然幘音萌

卒斂主人袒說髦括髮以麻婦人髻帶麻

於房中

士既殯而說髦此云小斂蓋諸侯之禮也士既殯與諸侯小斂於死者俱三日也婦人髻帶麻

於房中則西房也天子諸侯有左右房

既徹帷男女奉尸夷於堂降拜主

人即位襲帶經踊

即位阼階之下位也有襲經乃踊尊卑相變也斬縗括髮以

麻為母括髮以麻免而以布

母服輕至免可以布代麻也為母又哭而免也齊

縗惡筭以終喪

筭所以卷髮帶所以持身婦人質於喪所以自卷持者有除無變也

男子

冠而婦人筭男子免婦人髻其義為男子則紒為婦人

則髻

別男也

○大唐之制男子斂髮布巾帕頭女子斂髮

而髻餘如開元禮

小斂奠

代哭附○周

大唐

周制諸侯大夫士喪將小斂陳衣訖陳饌於東堂下諸侯少牢上大夫特牲下大夫士特豚皆有脯醢醴酒羶尊用功布實於簞在饌東

功布鍛濯  
灰理之布

設盆盥於饌東有

巾

為奠設盥也喪  
事畧故無洗也

牀第夷衾饌於西牀

或云

南

第簀也  
夷衾質

殺之裁  
猶冒也

西方盥如東方

為舉者設盥也如東方者  
亦用盆布巾饌於西堂下

陳一

鼎及素俎於寢門外當東塾

素俎喪  
事尚質

將小斂辟奠不出

室

未忍神遠之也辟襲奠以辟斂既斂  
則不出室設序西南也事畢而去之

無踊節

其哀未  
可節也

既斂舉者盥右執杙左執俎入阼階前西面錯

舉者盥出門舉

鼎者右人以右手執杙左人以左手執俎因其便也

乃杙載載兩髀於兩端兩肩

亞兩肱亞脊肺在於中皆覆進抵執而俟

乃杙以杙次出牲體右人

也載受而載於俎左人也亞次也凡七體皆覆為廬也抵本也進本者未異於生也骨有本末也

夏祝

及執事盥執醴先酒脯醢俎從升自阼階大夫踊向人

徹鼎巾待於阼階下

執事諸執奠事者也巾功布也執者不升已不設也

奠於尸

東執醴酒北面西上

執醴酒者先升尊也立而俟後錯要成也

祝受巾巾之

由足降自西階婦人踊奠者由重南東丈夫踊

巾之為東

反其位也賓出主人拜送於門外適寢門之外也吊者襲表加武帶

經與主人拾

其初反

踊

始死弔者朝服裼表如吉時也小斂則改襲而加武與帶經矣武吉

冠之卷也加武者明不改冠亦不免也

賓出徹帷

君與大夫之禮也士卒斂即徹帷也

大喪

挈壺氏懸壺以代哭皆以水火守之分以日夜

代亦更也禮未

大斂代哭以水守壺者為沃漏以火守壺者夜則視刻數分以日夜者異晝夜漏也漏之箭晝夜共百刻冬夏之間有長短焉也諸侯喪虞人出木角狄人出壺雍人出鼎司

馬懸之乃官代哭

代更也末殯哭不絕聲為其疲倦既小斂可以為漏刻分時而更哭也木

給鬯甯角以為剡水斗壺漏水之器也冬漏以火鬯鼎沸而後沃之此挈壺氏所掌剡音九十反

大夫

官代哭不懸壺

下君也

士代哭不以官

自以親疎哭也孝子始有親喪悲哀

惟悴禮防其以死傷生使之更哭不絕聲而已人君以官尊卑士賤以親疎為之三曰之後哭無時宵為

燎堂上下皆有燭哭尸於堂上主人在東方由外來者

在西方諸婦南面

由外來謂奔喪者也無奔喪者婦人猶東面耳

婦人迎客送

客不下堂下堂不哭男子出寢門見人不哭

婦人所有事自堂及

房男子所有事自堂及門非其事處而哭猶野哭也出門見人謂迎賓也

其無女主則男主

拜女賓於寢門內其無男主則女主拜男賓於阼階下

子幼則以緦抱之人為之拜。大唐元陵儀注尚食奉

饌入列於殿東太常博士引司徒省饌省訖奉饌升設於大行東齋郎取爵於篚受酒爵跪奠興嗣皇帝以下哭踊如初諸行事者應退者降退奉禮郎稱止謁者引諸王還內省禮使奏嗣皇帝哭止近侍扶引退便次內外侍臨者代哭不絕聲百官退位如常式其百官以下儀具開元禮

棺槨制

虞

夏

殷

周

大唐

有虞氏瓦棺

始不用薪也  
有虞氏尚陶

○夏后氏塋周

火熟曰塋  
土治以周於

棺也或謂之土周

○殷人棺槨

槨大也以木為之棺槨大於棺殷人尚槨

○周制天

子之棺四重水兕革棺被之其厚三寸槨棺一梓棺二

四者皆周國君大棺八寸屬六寸槨四寸上大夫大棺

八寸屬六寸下大夫大棺六寸屬四寸士棺六寸

大棺之

在表者也四者皆周此以內說而出然則大棺及屬用

梓槨用槨也以是差之上公革棺不被三重也諸侯無

革棺再重也大夫無槨一重也士無屬不重庶人之棺

四寸夫子之宰於中都制四寸之棺五寸之槨上大夫

謂列國之卿也屬音燭槨

君裏棺用朱綠用雜金錯大

音步歷反地棺之地音移

夫裏棺用玄綠用牛骨錯士不綠

錯所以著裏也錯音子南反

君蓋

用漆三衽三束大夫盖用漆二衽二束士盖不用漆二

衽二束

用漆者塗合犯壯中也衽小要也

天子栢槨長六尺諸侯松槨

大夫栢槨士雜木槨

槨周棺者也尊者用大材卑者用小材天子諸侯卿大夫士庶人六

等其槨長自六尺而下其方自五寸而上未聞其差所定也抗木之厚盖與槨方齊天子五重上公四重諸侯

三重大夫再重士一重

虞人致百祀之木可以為棺槨者斬之虞人

掌山澤之官也百祀畿內百縣之祀也

○大唐制諸葬不得以石為棺槨

及石室其棺槨皆不得雕鏤彩畫施戶牖欄檻棺內又

不得有金寶珠玉

大斂周 大 唐

周制諸侯大夫士喪大斂厥明國君陳衣於庭百稱北

領西上大斂於阼以簟席布絞縮者三橫者五布紵二

衾絞紵如朝服絞一幅為三不辟紵五幅無紵

二衾者或覆或

薦之也如朝服者謂布精粗如朝服十五升

子一人弁經即位於序端卿大

夫即位於堂廉楹西北面東上父兄堂下北面夫人命

婦尸西東面外宗房中南面小臣鋪席商祝鋪絞紵食

衣士盥於盤上士舉遷尸於斂上卒斂宰告子馮之踊

夫人東面亦如之

子弁經者未成服也弁如爵弁而素大夫之喪子亦如之

大夫陳

衣於序東五十稱西領南上君無襚大夫士畢主人之

祭服親戚之衣受之不以即陳

無襚者不陳不以飲

斂用蒲席士

陳衣於房南領西上綯絞紵衾二君襚祭服散衣庶襚

凡三十稱紵不在算不必盡用

紵單被也衾二者始死斂衾今又復制也小斂

衣數自天子達大斂則異

棺入主人不哭升棺用軸蓋在下

軸輶輶軸也輶狀

如牀軸其輪挽而行也輶音拱

帷堂婦人尸西東面主人及親者升自

西階出於足西面袒

袒大斂變也不言髻纁髻髮小斂以來自若也

士盟位如

初亦既盥並立

布席如初

亦下莞上簟鋪於階上於楹間為少南

商祝布

絞衾衾衣美者在外君襚不倒

至此乃用君襚主人先自盡也

士舉遷

尸於服上復位主人踊無算卒斂徹帷主人馮如初主

婦亦如之主人奉尸斂於棺踊如初乃蓋

棺在殯中斂尸者所謂殯

檀弓曰殯於客位主人降拜

○大唐元陵儀注其日大斂前三刻侍

中版奏請中嚴內外皆哭御府先設大斂牀於大行皇

帝西南首枕席幃帳如初所司先陳大斂衣百二十稱

及絞衾衾并六玉於殿兩楹之東席上南領西上衣必

朝祭及五時正服前二刻開宮殿諸門諸衛各勒所部  
陳設如常儀設皇帝位於殿東間西向前一刻引諸王  
以下就位皇弟於皇帝位東稍北西向南上皇子於皇  
弟之東亦南上皇叔在皇帝位北稍西南向西上皇叔  
祖次皇叔之東皇從父兄弟在皇子北稍東南上諸公  
主長公主大長公主以下並於西間北牖下西上通事  
舍人引百僚並入依班序立侍中版奏外辦內高品扶  
皇帝就位立定典儀曰再拜禮儀使奏請再拜皇帝哭

踊再拜在位者皆哭踊再拜十五舉聲禮儀使奏請止  
哭內外皆止哭內高品扶皇帝就次諸王公主以下百  
僚各就次中官內官掌事者皆盥訖升斂如小斂次加  
衣畢乃以組連珪璋璧琮琥璜六玉而加焉所司以梓  
宮龍輜紼等入陳於殿西階下至時司空引梓宮升自  
西階置於大行皇帝西南省加七星版於梓宮內其合  
施於版下者並先置之乃加席褥於版上以黃帛裹施  
仰薨畫日月星辰龍龜之屬施於蓋陳衣及六玉斂訖

中宮掌事者奉大行皇帝即梓宮內所由先以白素版書應入梓宮內一物以上稱名進入梓宮然後加蓋事畢覆以夷衾百官儀制具開元禮

國君視大夫士喪之大斂

周

周制王弔喪祝則與巫前

巫祝前王

大夫之喪將大斂既鋪

絞衾衣君至主人迎先入門右巫止於門外君釋菜

祝先入升堂君即位於序端卿大夫即位於堂廉楹西北面東上主人房外南面主婦尸西東面遷尸卒斂宰

告主人降北面於堂下君撫之主人拜稽顙君降升主

人馮之命主婦馮之

先入門右者入門而右也巫止者君行必與巫俱巫主辟凶邪也釋

菜禮門神也必禮門神者禮君非問疾弔喪不入諸臣之家也主人房外南面大夫之子尊得升視斂士

喪將大斂君若有賜焉則視斂既布衣君至矣

賜恩惠也君視

大斂皮弁服襲表主人成服之後往則錫練也

主人出迎於門外見馬首不哭

還入門右北面及衆主人袒

不哭厭於君不敢伸其私恩也

巫止於廟

門外祝代之小臣二人執戈先二人後

巫掌招弭以除疾病周禮小臣

掌正君之法儀者也春官男巫王弔則與祝前擅弓曰君臨臣喪以巫祝桃茢執戈惡之所以異生皆天子之

禮諸侯臨臣之喪則使祝代巫執茆居前下天子也小臣君行則先後君升則夾阼階北面凡宮有鬼神曰廟

君釋菜入門主人避君升自阼階西向祝負墉南面主

人中庭

祝南面房戶東向君也牆謂之墉主人中庭進益北

君哭主人哭拜稽顙

成踊出

出者不敢必君之卒斂事也

君命反行事主人復位大斂事也君

升主人主人西楹東北面

命主人使之升

升公卿大夫繼主人

東上乃斂

公大國之孤四命也

卒公卿大夫逆降復位主人降出

逆降者後升者先降也位如朝夕哭弔位

君反主人主人中庭君坐撫當心

主人拜稽顙成踊出

撫按也凡馮尸興必踊也

君反之復初位衆主

人避於東壁南面

以君將降也南面則當站之東

君降西向命主人馮

尸主人升自西階由足西面馮尸不當君所踊主婦東

面馮亦如之

君必降者欲孝子盡其情也

奉尸斂於棺乃蓋主人降

出君反之入門左視塗

碑在西階上入門左由便趨疾不敢久留君也碑音以二反埋

棺之坎也君升即位衆主人復位卒塗主人出君命之反奠

入門右

亦復中庭位也

乃奠升自西階

以君在阼

卒奠主人出哭者

止

以君將出不敢謹罷

君出門廟中哭主人不哭貳車畢乘主人

哭拜送

貳車副車也其數各視其命之等君出使異姓之士乘之在後君弔蓋乘象輅

襲入即

位衆主人襲拜大夫之後至者成踊

後至布衣而後來也

賓出拜

送

自賓出以下如君不在之儀

大斂奠

周

大唐

周制大喪豆人供其薦羞士喪將大斂陳奠事設於

東堂下南順齊於坵饌於其上兩瓦甒其實醴酒酒在

南篚在東南順實角解四木枲二素杓二甒豆兩其實

葵菹芋羸醢兩籩無滕布巾其實栗不擇脯四脰

櫜今之舉

也甒白也滕緣也詩曰竹閭緄滕布巾籩中籩也籩豆具而有巾盛之也於音於據反甒音苦八反

奠席

在饌北斂席在其東

大斂奠而有席彌神之也小斂奠無巾大斂奠有巾已是神之今又

有席是彌神也

陳三鼎於門外北上豚合升魚鱠鮓九腊左胖

髀不升其他皆如初

合升合左右體升於鼎也其他皆如初謂豚體及七俎之陳如小斂

時

燭俟於饌東祝徹盥於門外入升自阼階丈夫踊

祝徹

祝與有司當徹小斂奠也小斂設盥於饌東有巾大斂設盥於門外彌有威儀

祝徹巾授執事

者以待

授執巾者於尸東使先待於阼階下也為大斂奠又將巾之祝還徹醴

徹饌降自

西階婦人踊設於序西南當西榮如設於堂

為求神於庭孝子不

忍使其親須臾無所憑依堂謂尸東凡奠設序西南者畢事而去之

既殯乃奠燭升自阼

階祝執巾席從設於奧東面

執燭者先升堂照室也自是不復奠於尸祝執巾與

執席者從入為安神位也凡室中西南隅謂之奧執燭南面巾委於席右也

祝反降及執事

執饌

東方之饌

士盥舉鼎入西面北上如初載魚左首進鬯

三列腊進柢

如初如小斂舉鼎執又俎局鼎載之儀魚左首設而在南鬯脊也左首進鬯亦未

異於生也凡未異於生者不致死

祝執醴如初酒豆籩俎從升自阼階

丈夫踊甸人徹鼎

如初祝先升

奠由楹內入於室既錯者出

立於戶西西上巾奠執燭者滅燭出降自阼階

巾奠而室事已

祝闔戶降自西階婦人踊奠者由重南東丈夫踊

為神憑依

賓出婦人踊主人拜送於門外入及兄弟北面哭既殯

兄弟出主人拜送於門外

小功以下至此可以歸異門大功亦存焉與門別居

衆

主人出門哭止皆西面於東方闔門主人揖就次

次謂斬縗

倚廬齊縗壘室大功有帷帳小功總麻有牀第可也

既殯主人說髦

兒生三月剪髮為髻男角

女羈不則男左女右長大猶為飾存之謂之髦所以順父母幼小之心也至此尸柩不見喪無飾可去髻音朵

○說曰凡喪大斂於阼即遷尸於棺而殯殯訖乃於室

中設大斂奠天子諸侯喪斬縗者奠大夫齊縗者奠士

朋友奠主人不親奠以孝子悲哀思慕不暇執事也牲

牢如小斂之奠布席而未有几人君禮奠則有几按周  
成王乙丑崩癸酉牖間南向西序東向東序西向皆仍  
几即殯前已有几之文也而諸侯雖無文當與天子同  
大夫士葬前下室無几降於人君也司几筵云凡喪事  
設韋席右素几其椁席用萑黼純諸侯則紛純每敦一

几喪事謂几奠也萑如韋而細者也敦覆也棺在殯則  
椁敦既窆則加見皆謂覆之周禮雖合葬及同時在

殯皆異几體實不同也祭於廟凡喪事仍几仍因也喪  
事謂几奠

几朝夕相見奠以素器以生者有哀素之心也哀素哀  
痛無飾

因喪禮畧也

也凡物無飾曰素

惟祭祀之禮主人自盡焉爾豈知神之所饗

亦以主人有齊敬之心也

哀則以素敬則以飾禮由人心而已

○大唐元

陵儀注皇帝至位哭內外皆就位哭太祝酌酒進授皇

帝執爵進奠於饌前少退禮儀使奏請止哭內外皆止

哭太祝跪讀文曰維某年月日哀子嗣皇帝臣某敢昭

告於考大行皇帝日月過速奄及大斂攀號擗踊五內

屠裂謹以一元大武柔毛剛鬣明粢薌合薌其嘉蔬嘉

薦醴齊尚饗

其後祝文大約准此

讀訖皇帝再拜哭踊在位者皆

再拜哭踊十五舉聲禮儀使奏止哭左右高品扶皇帝  
還次諸王公主以下各還次百僚序出其百官儀制具

開元禮

殯設熬附○夏 商 周 大唐

夏后氏殯於東階之上○殷人殯於兩楹之間○周制  
殯於西階之上天子栢槨以端方長六尺題湊四注題湊

謂頭相湊聚也合上如屋畫塗之君殯用輶櫓至於上畢塗屋

大夫殯以輅櫓至於西序塗不暨於棺士殯見衽塗上

帷之

樹猶最也屋殯上如屋覆者也幬覆也暨及也諸侯斬不畫龍櫛不題湊象擲其他如之大夫之殯

廢輅置棺西墻下就墻櫛其三面塗之不及棺者言櫛中狹小裁取容棺然則天子諸侯差寬大矣士不櫛掘地下棺見蓋合縫小要耳惟之太祝設熬熬者煎穀也鬼神尚幽闇士達於天子皆然將塗設於棺

旁所以惑蚍蜉使不至棺也

君四種八筐大夫三種六筐士二種四

筐加魚腊焉

大夫三種加以梁君四種加以稻四筐則手足皆一其餘設於左右也士熬黍稷各

二筐有魚腊

乃塗

以木覆棺上而塗之為火備也

卒塗幕人張帝王三重諸

侯再重孤卿大夫不重

張帝極上承塵也

祝取銘置於殯主人

復位踊襲燭俟於饌東

饌東方之饌有燭者堂雖明室猶暗火在地曰燎執之曰燭

乃奠。○大唐元陵儀注既大斂內所由執龍輜左右綯引梓宮就西間將監引所由并栢鑿等并自西階所由設熬黍稷盛以八筐加魚腊等於龍輜側南北各一筐東西各三筐設訖於西面壘之先以繡黼覆梓宮又張帟三重更以栢木方尺長六尺題湊為四阿屋以白泥四面塗之攢事訖所司設靈幄於攢宮東東向施几案服御如常儀侍臣捧縗裳冠經杖盛以箱就次進皇帝服訖諸王公主以下及百僚亦各服其服光祿卿率齋

郎捧饌入禮儀使引升陳設訖禮儀使就位奉引皇帝  
至位哭內外皆就位哭其百官以下儀如開元禮

將葬筮宅

卜日附○周

大唐

周制大喪小宗伯卜葬兆士喪將葬筮宅家人營之

宅

居也家人有司掌墓地兆域者營度也既夕篇記云家人物土鄭玄注曰物相也相地可葬乃營之掘四

隅外其壤掘中南其壤

為葬將兆首故也

既朝哭主人皆往兆

南北面免經

免經者求吉不敢純凶也

命筮者在主人之右

命尊者宜從右

出也少儀篇曰詔辭自右也

筮者東面抽上韞兼執之南面受命

韞

筭之器兼與筭執之

命曰哀子某為其父某甫筭宅度茲幽宅兆

階無有後艱

某甫其字也若言山甫孔甫矣宅居也度謀也茲此也階始也言為其父筭葬居今

謀此為幽冥居兆域之始得無後將有艱難乎艱難謂有非常若崩壞也

右還北面指中封

而筭

中封中與壤也

卒筭告於命筭者與主人占之曰從

從猶吉也

主人經哭不踊若不從筭擇如初儀

更擇地而筭之

歸殯前北

面哭不踊

易位而哭明非常也

既備器用

明器之屬

卜日既朝哭皆復

外位卜人先奠龜於西塾上族長涖卜及宗人吉服立

於門西東面南上占者三人在其南

族長有司掌族人親疎者涖臨也吉

服服玄端占者三人掌玉兆瓦兆原兆在塾西者南面  
東上也杜子春云玉兆帝顙頊之兆瓦兆帝堯之兆原  
兆有周之兆也闔東扉主婦立於其內席於闔西闔外為卜者席宗

人告事具主人北面免經左擁之泣卜即位於門東西

面泣北族長更西面卜人抱龜燋宗人受命受泣命曰

哀子某東日卜葬其父某甫考降無有近悔考登降下也言卜此

日葬魂神上下得無近於咎悔乎許諾卜人坐作龜興作灼也興起宗

人受龜告於泣卜與主人占曰某日從告於主婦主婦

哭使人告於衆賓衆賓僚友不來者宗人告事畢主人經入哭如

筮宅賓出拜送若不從卜擇如初儀大夫卜宅與葬日

有司麻衣布緣布帶因喪屨緇布冠不筮占者皮弁有司

卜人也麻衣白布深衣而著緣馬及布帶緇布冠非純吉亦非純凶也皮弁則純吉之尤也占者尊於有司卜

求吉其如筮則史練冠長衣以筮占者朝服筮者筮宅謂下大夫

若士也筮史筮人也長衣深衣之純以素者也長衣練冠純凶服也朝服純吉服也大夫士日朝服以朝○

大唐元陵儀注既定陵地擇地使就其所卜筮之將卜

使者吉服掌事者先設使以下次於陵地東南使者至

陵地待於次太常卿蒞卜服祭服祝及卜師筮師凡行

事者皆吉服掌事者布筮席於玄宮位南北向西上贊者引涖卜者及太祝立於筮席西南東向南上下師立於太祝南東面北上贊者引使者詣卜筮席南十五步許當玄宮位北向立贊者立於使者之左少南俱北向立定贊者少進東面稱事具退復位涖卜者進立於使者東北西面卜師抱龜筮師開贛出策魚執之執贛以擊策進立涖卜者前東面南上涖卜者命曰維某年月朔日子哀子嗣皇帝某謹遣某官某乙奉為考大行皇

帝度茲陵兆無有後艱卜師筮師俱曰諾遂述命於右  
旋就席北坐命龜曰假爾泰龜有常命筮曰假爾泰筮  
有常遂卜筮訖興各以龜筮東面占曰從還本位贊者  
進使者左東面稱禮畢贊者遂引使者退立東南隅西  
面若不從又擇地卜筮如初儀其百官儀制具開元禮

啟殯朝廟 殷 周 大唐

殷朝而殯於祖○周朝而遂葬

朝謂喪朝廟也

喪祝及朝御柩

乃奠

朝謂將葬朝祖考之廟而後行則喪祝為柩御

士喪既夕哭

既已也謂出門哭止復外

位時請啟期告於賓

將葬當遷柩於祖有司於此乃請啟碑之期於主人以告賓賓宜知其時

夙興設盥於祖廟門外陳鼎皆如殯東方之饌亦如之

皆三鼎如殯如大斂既殯之奠

夷牀饌於階間

夷之言尸朝正柩用此牀也記云夷牀軼軸饌

於西階東注云明階間位近西也夷牀饌於祖廟軼軸饌於殯宮其二廟者於禰亦饌軼軸

如小斂

奠乃啟

祖尊禰卑士事祖禰上士異廟下士共廟

二燭俟於殯門外

早闇以為明也

丈夫髻散帶垂即位如初

為將啟變也此互文以相見耳髻婦人之變

婦人

不哭

將有事止謹置也啟之聽內外不哭也

商祝免袒執功布入升自西

階盡階不升堂聲三啟三命哭

功布灰理之布執之以接神為有所拂拂也聲

三三有聲存神也啟三三言啟  
告神也舊說以為聲噫興也  
燭入昭徹與夏祝取銘

置於重啟碑踊無算商祝拂柩用功布幰用夷衾拂去

幰覆之為遷遷徙也徙於祖朝祖廟蓋象平其形露也遷於祖用軸生時出必辭尊者軸軼軸也狀

如轉轡刻兩頭為軼軼狀如長牀穿程前後著金而關  
軸焉大夫諸侯以上有四周謂之轡天子畫之以龍程

音戈重先奠從燭從柩從主人從行之序也主人從者

以服之親疎為先後各從其昭穆男賓在前女升自西

階柩也猶用子奠俟於西階下東面北上俟正正柩於

兩楹之間用夷牀兩楹間象嚮戶主人從升柩東面

衆主人東即位

東方

婦人從升東面置重如初

如殯宮時記云

重不入者主於朝祖而行若遇之俟門西東面待之也

席升設於柩西奠設如初

巾之升降自西階

席設於柩之西直柩之西當西階從奠設如初東而不統於柩神不西面

不設柩東非神位也巾之奇為障當風塵也

燭先入者升堂東楹之南西面

後入者西階東北面在下

昭正柩也先先柩也後後柩也適祖時燭亦然互記於此

也主人降即位徹乃奠升自西階主人踊如初

如其降拜賓至

於要節而踊也不薦車者不從此行

祝及執事舉奠巾席從降柩從序從

如初適祖

此謂朝禰明日舉奠適祖之序也此祝執醴先酒脯醢俎從之巾席為後既正柩席升設

奠如初祝受巾巾之凡喪自卒至殯自啟至葬主  
人之禮其變同即此日數亦同矣序從主人以下喪之  
朝也順死者之孝心哀離其室故至於祖考之廟而後  
行也○大唐元陵儀注啟前十日皇帝不坐以過山陵  
前啟一日門下省奏某日某時啟太極殿攢宮啟日之  
晨奉禮郎設御位於太極殿之東間當帷門西向諸王  
位在後以南為上典儀設鄧公介公皇親諸親文武九  
品以上及前資常參官都督刺史版位於太極殿中庭  
又設蕃客酋長位於承天門外之西僧道位於承天門

外之東並以北為上左右金吾與諸軍計會量抽隊伍  
隨便設禁其日質明皇帝服初緣經杖入就位晨哭諸  
王具緣經去杖入就位哭鄴公介公皇親諸親等及文  
武九品以上各服初喪服去杖入就位哭大長公主長  
公主公主郡縣主等亦緣服入就內位哭中官皆布巾  
喪馭侍衛晨哭並再拜退位通事舍人引蕃客酋長及  
僧道分位於承天門外之位啟前二刻內所由設奠席  
及香燭於帷門之外奉禮郎設壘洗於東階下西南北

面壘水在洗東篚在洗西南肆設太尉版位於東南西  
向設司空位於太尉位之南少退禮生一人執拂梓宮  
之巾陪其後設禮儀使位於太尉之北少退禮官等陪  
後設監察使位於禮儀使之下光祿卿具太牢之饌俟  
於東階下又於饌上設罇坫位於奠席東南北向加酌  
罇禮儀使立於罇坫東御史立於罇坫西太祝奉禮郎  
立於罇坫南為位禮官在禮儀使後啟前一刻侍中版  
奏外辦禮官贊執事官入就階下位禮儀使等橫行以

西為上再拜訖升就位禮官省饌訖贊光祿卿引饌升  
自東階列帷門外席上近侍引皇帝具縗經入就位哭  
踊禮儀使前進跪奏請再拜皇帝再拜諸王妃主等並  
各就位晨哭禮生引太尉通事舍人分引羣官各入就  
位禮官贊太尉再拜又一人贊羣官再拜哭十五舉聲  
禮官各贊止哭禮生引太尉詣壘洗盥手洗爵升自東  
階詣罇坫所太祝舉冪酌醴齊以授太尉禮儀使跪奏  
請皇帝止哭奉皇帝之杖前進中官承傳止哭殿內皆

止哭太尉以醴齊於皇帝之左跪進醴齊皇帝受醴齊  
跪奠於饌前俛伏興少退立太祝持版進北面跪讀祝  
文訖奠版俛伏興退復位皇帝再拜哭踊殿內及庭中  
文武九品以上皇帝諸親等皆哭十五舉聲止禮儀使  
跪奏獻畢請皇帝退復位禮官引太尉及禮儀使降復  
階下位所由徹饌執事官序降訖皇帝退就次禮生引  
司空執巾升自東階於櫝宮南北向立司空跪啟曰謹  
以吉辰啟櫝塗告訖太尉哭羣官皆哭通事舍人分引

羣官序出掌事者升徹攢塗徹訖司空以巾拂拭梓宮  
覆以夷衾納幕內所由周廻設帷及施常食之奠如常  
儀訖禮儀使升就舊位禮官陪後皇帝縗絰就位哭通  
事舍人分引羣官入就位皇帝稽顙禮儀使請再拜皇  
帝哭盡哀禮儀使跪奏請止哭降出羣官再拜哭十五  
舉聲訖又序出太極門外北向重行立班奉慰如常儀  
退其百官儀制具開元禮

通典卷八十五

欽定四庫全書

通典卷八十六

唐 京兆杜佑君卿纂

禮四十六 凶八

喪制之四

薦車馬明器及飾棺

周

大後漢唐

晉

北齊

隋

周制大喪及祖喪祝飾棺乃載遂御之

祖為行始也亦奠也飾棺設柳

池紐之屬其次序載而後飾既飾當旋車向外喪祝御之御之者執翱居前却行為節度也

諸侯大

夫士喪柩既朝乃薦車直東榮北轡

薦進也進車者象生時將行陳駕今

時謂之蒐車轡轅也車當東榮東陳西上於中庭

薦乘車庶淺臂干笮革鞬載

旃載皮弁服纓轡貝勒懸於衡

士乘棧車庶淺庶夏毛也臂覆笮也玉藻曰士

齊車庶臂豹粒干楯也笮矢箠也鞬韉也旃旌旗之屬通帛曰旃孤卿所建皮弁服者視朔之服也貝勒貝飾勒也有干無兵有箠無弓矢明不用也臂音覓鞬音息列反

道車載朝服

道車朝夕及燕出入

之車朝服日視朝之服玄衣素裳也

橐車載簞笠

橐散也散車以田以鄙之車也簞笠備雨服也

凡道車橐車之纓轡及勒亦懸於衡

薦馬纓三就入門北面交轡圉人夾

牽之

駕車之馬也每車二匹纓馬鞅也就成也諸侯之臣飾纓以三色而三成此三色者蓋條絲也著之

如廟然天子之臣如其命數王之革路條纓圍人養馬者在左右曰夾既奠乃薦馬為其踐污廟中凡入門者

參分庭一在南御者執策立於馬後哭成踊右還出主人於是乃哭踊也

薦車之禮成於薦馬賓出主人送於門外有司請祖期主人入祖

乃載踊無算卒束襲祖為載變也乃舉柩卻下而載之束束棺於柩車賓出遂匠納車於

階間謂此車也降奠當前束下遷祖之奠也當前束猶當尸隅亦在柩車西束有前後隅五回反

商祝飾柩一池紐前經後緇齊三采無貝飾柩為設牆柳也中奠乃

牆謂此也牆有布帷柳有布荒池者象宮室之承霑以竹為之如小車簦衣以青布池懸於柳前士不揄絞紐所以聯帷荒前赤後黑因以為飾左右面各有前後齊居柳之中央若今小車蓋上黹矣以三采繒為之上朱

中白下蒼著以絮  
元士以上有貝

縫人縫棺飾

孝子既啟見棺猶見親之身也既載飾而行遂

以葬若存時居於帷幙而加文繡矣

衣翬柳之材

必先纏衣有木乃以張飾也柳之言聚也諸飾

之所聚

飾棺君龍帷三池振容黼荒火三列黻三列素錦

褚加帷荒纁紐六齊五采五貝黼翬二黻翬二畫翬二

皆戴珪魚躍拂池君纁戴六纁披六大夫畫帷二池不

振容畫荒火三列黻三列素錦褚纁紐二玄紐二齊三

采三貝黻翬二畫翬二皆戴綏魚躍拂池大夫戴前纁

後玄披亦如之士布帷布荒一池揄絞纁紐二緇紐二

齊三采一貝畫嬰二皆戴綏士戴前纁後緇二披用纁

飾棺者以華道路及塋中不欲衆惡其親也荒蒙也在  
旁曰帷在上曰荒皆所以衣柳也士布帷布荒者白布  
也君大夫加文章焉黻荒緣邊為黼文畫荒緣邊為雲  
氣火黻為列於其中耳大夫以上有褚以襯覆棺乃加  
帷荒於其上紐所以結連帷荒者也池以竹為之如小  
車簦衣以青布柳象宮室懸池於荒之瓜端若承雷然  
檀弓曰池視重雷如堂之有承雷也承雷以木為之用  
行水亦宮之飾也君大夫以銅為魚懸於池下揄揄翟  
也青質五色畫之於絞繒而垂之以為振容象水草之  
動搖行則又魚上拂池雜記曰大夫不揄絞屬於池下  
是不振容也士則去魚齊象車蓋黻縫合雜綵為之形  
如瓜分然綴貝落其上及旁戴之言值也所以連繫棺  
束與柳材使相值因而結前後披也漢禮嬰以木為筐  
廣三尺高二尺四寸方兩角高衣以白布畫者畫雲氣

其餘各如其象柄長五尺車行使人持之而從既窆樹於壙中檀弓曰周人牆置筭是也綬讀當為緇如冠鞋之類蓋五采羽設披居旁牽之以備傾虧也屬引屬著也引

所以引柩車在軸輶曰紼古者人陳明器於乘車之西

陳明器乘車之西則重北也折橫覆之折猶度也方鑿連木為之蓋如牀而縮者三橫者五無簣

窆事畢加之壙上以承抗席橫陳之為苞筭以下綰於其北便也覆之見善面也折音之設反度音居毀反綰

音側耕抗木橫三縮二抗禦也所以禦止土者加抗席反下同

三席所以禦塵也加茵用疏布緇剪有幅亦縮二橫三茵所以藉棺也

剪淺也幅緣之亦抗木也及其用之木三在上茵二在下象天三合地二人藏其中焉今文剪作淺疎麤也謂

功器西南上績器目言陳明器也以西行南端茵茵

抗上陳苞二所以裹奠簋三黍稷麥簋容蓋與簋同甕三

醢醢屑甕用疏布甕甕瓦器也簋甕桂之屑也甕二醴酒

罍用功布甕亦瓦器皆木析久之析所以度苞甕甕也久當為灸謂以蓋按塞其口

每器異析用器弓矢耒耜兩敦杆盤匱匱實於盤中南流此皆

常用之器杆盛湯漿無祭器士禮器大夫以上兼用鬼器人器有燕樂

器可也與賓燕飲役器甲冑干笮此皆師役之器也甲冑皆斃鑿也干楯笮

箴燕器杖笠燕居安體之器也徹奠巾席俎於西方

主人要節而踊

巾席俟於西方祖奠將用要節者來衆升大夫踊去衆降婦人踊

既殯

旬而布材與明器

木工宜乾腊且豫成材椁材也

○說曰仲憲言於曾

子曰夏后氏用明器示人無知也

所謂致死之仲憲即原憲也

殷人

用祭器示人有知也

所謂致生之

周人兼用之示人疑也

言使

人疑於無知與有知

曾子曰其不然乎其不然乎

非其說之非也

夫明器

鬼器也祭器人器也夫古之人胡為而死其親乎

言仲憲之

言三者皆非此或用鬼器或用人器

孔子曰之死而致死之不仁而不可

為也之死而致生之不智而不可為也

之往也死之生之謂有知與無

知為是故竹不成用瓦不成味木不成斲成猶善也竹不可善用謂

邊無膝也味當為琴瑟張而不平竿笙備而不和無宮商之

調有鐘磬而無篳簫不懸之也橫其曰明器神明之也

言神明死者也神明者非人所知故其器如此孔子謂為明器者知喪道矣備

物而不可用也神與人異道則不相傷哀哉死者而用生者之器

也不殆於用殉乎哉殆幾也殺人以衛死者曰殉用其器者漸幾於用人塗車

靈自古有之謂之靈者神道之類明器之道也言與明器同

陳器之道多陳而省納之可也省陳而盡納之可也

多陳之謂賓客之賻器也。以多為榮。省陳之謂主人之明器也。以節為禮。

○後漢制諸侯王

列侯樟棺黑漆中二千石以下坎侯漆

空中勘合而漆之如漆坎侯即

瑩

載飾以蓋龍首魚尾華布牆纁上周交絡前後雲氣

畫帷裳中二千石以上有輜左龍右虎公侯以上加倚

鹿伏熊千石以下緇布蓋牆龍首魚尾而已黃綬以下

至於處士皆以簟席為牆蓋其正妃夫人妻皆如之○

晉賀循云飾棺衣以布玄上纁下畫帷荒雲氣不為龍

苓帷易布以紺繒池以象承雷以竹為籠如今車苓帷

以青絹代布紐玄纁二其明器憑几一酒壺二

受六升  
罍以功

布漆屏風一三穀三器

粳黍稷  
灼而乾

瓦唾壺一脯一篋

以三  
牲之

肉為一代苞取所遺  
奠之俎為藏物也

屨一瓦罇一屐一瓦杯盤杓杖一

瓦燭盤一箸百副瓦奩一瓦竈一瓦香爐一釜二枕一

瓦甌一手巾贈幣玄三纁二博充幅長尺瓦爐一瓦盥

盤一○北齊制三品以上喪者借白鼓一面喪畢進輸

三品以上及五等通用方相

方相之制  
見大喪篇

四品以下達庶

人以魘頭

魘頭與方相  
小異魘音欺

○隋文帝初定禮輅車三品以

上油幃朱絲絡網施襪兩箱畫龍幃竿諸末垂六旒蘇  
七品以上油幃施襪兩箱畫雲氣垂四旒蘇八品以下  
達於庶人鼈甲車無幃襪旒蘇畫飾○大唐元陵儀注  
前二日所司設文武羣官次於太極門外東西廊下又  
設帳殿庭帳內設吉幄幄內設神座南向又設龍輜素  
幄於殿庭吉幄之右前一日午正後一刻除殿上葦障  
及階下凶庭并板城少府所由移旒附於重北未正後  
一刻典儀設群官夜哭版位如晨夕哭儀又設挽歌席

位於嘉德門內設挽郎挽士席位於嘉德門外並左右  
序設北向相對設鼓吹嚴警位於承天門外晝漏未盡  
三刻有司設庭燎終夜通事舍人分引羣官就版位立  
定禮官贊哭哭畢退就次挽歌作盡二點止嚴警次發  
盡五點止二更羣官皆哭及挽歌鼓吹嚴警如上儀其  
三更四更五更並准此其一日前二刻奉禮郎設御座  
所由設奠席奉禮設壘洗及禮儀使太尉版位於東階  
下光祿卿具太牢饌並如啓奠之儀前一刻侍中奏外

辦禮官省饌光祿卿引饌禮生引太尉禮儀使等橫陳  
再拜訖升殿通事舍人分引羣官入就位亦如啟奠之  
儀禮儀使跪奏請皇帝止哭奉奠皇帝去杖前進中官  
承傳止哭殿內止哭太尉以醴齊於皇帝之左跪進皇  
帝受醴齊跪奠於饌前俛伏興少退立太祝持祝版進  
北面跪讀祝文訖奠版俛伏興退復位皇帝再拜哭踊  
殿內及庭中文武官九品以上皇帝諸親等皆哭十五  
舉聲止禮儀使跪奏獻畢請皇帝退復位禮官引太尉

降復階下位所由徹饌執事官序降內所由徹殿上帷  
帳唯南北施素帷於舊帳座所以為障蔽前設常食少  
府監進輜車於西階下禮儀使跪奏皇帝奉寧龍輜奏  
訖降出近侍扶皇帝就龍輜前哭踊盡哀廼復位執事  
者以纛旒及重先導禮官一人朝服贊尚輦奉御帥腰  
輿繖扇至神座前侍奉如常儀內侍捧几置輿上繖扇  
侍奉至殿庭帳殿下神座前跪置座上內謁者帥中官  
設香案於座前繖扇侍奉如儀禮官一人引符寶郎一

人主寶二人以赤黃褥案進取謚寶又禮生二人亦以赤黃褥案進取謚冊禮官授之並隨禮官先詣冊車安置其舊寶冊准次取置於車侍中當龍輜南跪奏請龍輜降殿太常卿帥執翼者升以翼障梓宮中官高品等侍奉其側司徒帥挽士升奉引龍輜降殿禮儀使引近臣及宗子三等以上親進捧宮梓宮少府將作所由并挽士奉梓宮登於龍車上遂詣帳殿下素幄皇帝哭從諸王等陪從公主內官等周以行帷皆哭踊而從羣臣

立哭於庭中位以俟祖奠其百官之制將監甄官令掌

凡喪葬供明器之屬

別勅葬者供餘並私備

三品以上九十事五

品以上七十事九品以上四十事當野祖明地軸鞅馬

鞅馬黑帶也凡贈馬帶鞅曰鞅馬也鞅徒懶反

偶人其高各一尺其餘音聲隊

與僮僕之屬威儀服翫各視生之品秩太極元年六月

右司郎中唐紹上疏曰孔子曰明器者備物而不可用

也謂芻靈者善謂為俑者不仁傳曰俑偶人也有面目

機發似於生人以此而葬殆將於用人故曰不仁也王

公百官競為厚葬偶人像馬雕飾如生徒以眩曜路人本不因心致禮更相扇慕破產傾資風俗流行下兼士庶若無禁制奢侈日增望請王公以下送葬明器皆依令式並陳於墓所不得於衢路舁行開元二十九年正月勅古之送終所尚乎儉其明器墓田等令於舊數內減三品以上明器先是九十事減至七十事七十事減至四十事四十事減至二十事庶人先無文限十五事皆以素瓦為之不得用木及金銀銅錫其衣不得用羅

繡畫其下帳不得有珍禽奇獸魚龍化生其園宅不得  
廣作院宇多列侍從其輜車不得用金銅花結綵為龍  
鳳及旒蘇畫雲氣其別勅優厚官供者准本品數十分  
加三分不得別為華飾餘具開元禮

祖奠

周

晉

大唐

周制士之喪柩既朝廟送賓有司請祖期

亦因在外位  
請之當以告

賓每一事畢輒出將行  
而飲酒曰祖祖始也

曰日側

側眈也謂將  
過中之時

將載祝及

執事舉奠戶西南面東上卒束前而降奠席於柩西

於將

柩西當  
前東設

巾奠乃牆

牆飾

主人入袒廼載踊無算卒東襲

祖為載變也廼舉柩卻下而載之東棺

降奠當前束

下

祖之奠也當前束猶當尸

商祝飾柩設披屬引陳明器

商祝御柩

亦執功布居前為還柩車為節也

乃祖

還柩向外為行始

踊襲少南

當前束

主人也柩還則當前束南

婦人降卽位於階間

為柩將去有時也位東上

祖還車不還器

祖有行漸車亦宜向外器之陳自已南上

祝取銘置於茵

重

銘故於此移

二人還重左還

重與車馬還相反由便也

布席乃奠如

初主人要節而踊

車已祖可以為之奠也是之謂祖奠蜀譙周曰遷祖之奠升自西階如初

及日載於車下奠設於西方乃陳遺物於庭訖徹奠以巾席俟於西方乃祖車既祖旋向外離於載處為行始也布席乃奠如初○晉賀循云載柩於輜未明而行遷於祖廟

者乃將告辭於先君也登自西階正柩於兩楹間北首納輜車於階下載之以適墓啟奠從設於西方質明滅燭更設遷奠如啓奠○大唐元陵儀注祖前一刻奉禮郎設御位於龍輜幄之東南西向所由設奠席於龍輜幄前奉禮郎設罇坫於帳幄東南又設太尉位於罇坫東南西向禮儀使在其下監察御史次之又設罍洗篚

於太尉位西南北向光祿卿帥齋郎捧饌俟於橫街之次北面西上禮官進省饌訖禮生贊光祿卿捧俎進跪奠於席上諸齋郎捧饌隨列於席上禮生引禮儀使及太尉就位禮官贊哭又一人贊羣官哭又各贊止哭禮儀使導皇帝立於龍輅之東南西向禮生引太尉詣罍洗盥手洗爵執詣罇坫所太祝舉罍酌醴齊以授太尉禮儀使跪奏請皇帝止哭奉奠皇帝去杖前進中官承傳止哭諸王妃主等皆止哭太尉以醴齊於皇帝之左

跪進皇帝受醴齊跪奠於饌前俛伏興少退立太祝持  
祝版進北面跪讀文訖奠版俛伏興退復位皇帝哭踊  
再拜諸王妃主及羣官在位者皆哭再拜皇帝哭十五  
舉聲訖禮儀使跪奏請復位俛伏興皇帝退復龍輜後  
位禮官各贊羣官止哭通事舍人分引出就承天門外  
位以俟光祿卿帥齋郎徹饌以出禮官一人朝服贊尚  
輦奉御帥所由以腰輿繖扇詣神座前各以序立內謁  
者中官舁香案出內侍捧几置輿上內所由舉繖扇侍奉

以出中官帥其屬舁衣箱以從遂詣玉輅禮官於輅後立贊登車內所由進興當輅後繖扇分蔽左右內謁者帥香案進於輅前內侍奉几登輅其腰輿亦進居輅前中官以衣箱授尚衣奉御置玉輅及副車內侍並乘馬從輅於是侍中進龍輔南跪奏稱請龍輔進發俛伏興退司徒帥挽士奉引次出執事者以太常先建之於車纛次之公主內官以下應合乘車者並先升車竢以扈從其百官以下儀制具開元禮

賵賻

周

大唐

周制諸侯大夫士之喪賵賻之禮者所以知死者賵知

生者賻

各土於所知也賵者所以助主人之送葬者也賻者補也助貨財曰賻公羊傳曰車馬曰賵財

賵

貨曰公賵玄纁束馬兩

公國君也士制兩馬

賓者出請入告主人

釋杖迎於廟門外不哭先入門右北面及衆主人袒尊

命也衆主人自若居西面

馬入設

設於庭在重南

賓奉幣由馬西當前轂北

面致命

賓使者也幣玄纁也轂轅縛所以屬引也由馬西則亦當前轂之西於是北面致命得向轂與

奠也樞車在階間少前三分庭之北轂有前後

主人哭拜稽顙成踊賓奠幣於

棧左服出

棧謂軀中凡士車制無漆飾左服象授人授其右也服車箱

宰由主人之

北舉幣以東

樞東主人位以東藏之也

士受馬以出

此士謂胥徒之長有勇力者受

馬聘禮曰皮馬相間可也

主人送於外門外拜罷入復位杖賓賁者

將命

賓卿大夫士

儻者出請入告出告須馬入設賓奉幣儻

者先入賓從致命如初

如公使

主人拜於位不踊

軀車東位既啓

之後與在室同

賓奠幣如初舉幣受馬如初儻者出請若奠

賓致

命可

入告出以賓入將命如初士受羊如受馬上介賁

執珪將命曰寡君使某賁相者入告反命曰孤某須矣

陳乘黃大輅於中庭北。輶執珪將命客使自下。由輅西。

主人拜稽顙坐委於殯。東南隅宰舉以東。

輶輶也。自率也。下謂馬也。

馬在輅之下者。

凡將命嚮殯。將命子拜稽顙西面坐委之。宰舉

璧與珪。宰夫舉祔升自西階。西面坐取之。降自西階。

宰夫

宰之佐

上客臨曰。寡君有宗廟之事。不得承事。使一介老

某相執綽。

上客弔者也。臨視也。言欲入視喪所不足而給助之謙也。實為哭耳。臨音力。禁反。

相

者反命曰。孤某湏矣。臨者入門。右介者皆從之。立於其

左。東上。

入門右不自同於賓客。

宗人納賓升受命於君。降曰。孤敢

辭吾子之辱請吾子復位客三辭不得命遂立於門西

介立於門左東上孤降自阼階拜之升哭與客拾踊三

拜客謝其厚意

客出送於門外拜稽顙若賻入告主人出門左

西面賓東面將命

主人出者賻主人施於主人

主人拜賓坐委之宰由

主人之北東面舉之反位

坐委之明主人哀戚志不在受人物反位反主人之後位

贈者將命

贈送

儻者出請納賓如初

如其入告出告須

賓奠幣如

初

亦於棧左服也

凡將禮必請而後拜送

雖知事畢猶請君子不必人意

兄弟

贈奠可也

兄弟有服親者可也且贈且奠許其厚也贈奠於死生兩施

所知則贈而

不奠

所知通問相知降於兄弟奠施於死者為多故不奠

賵馬入廟門

以其主賵於死者

馬與其幣太帛兵車不入廟門

以其主於生人也兵車革輅也雖為死者來陳

之於外以是戰伐田獵之服非藏者也故不入也

賵者既致命坐委之儻者舉

之主人無親受也

喪者非尸柩之事不親也舉之舉以束

書賵於方若九

若七若五

方版也書賵奠賵贈之人各與其物於版每版若九行若七行若五行

書遣於

策

策簡也遣猶送也謂所藏物茵以下

乃代哭如初

棺柩有時將去不忍絕聲如初謂小斂時

宵為燎於門內之右

為哭者設為明也

○大唐制諸職事官薨

卒文武一品賵物二百段粟二百石二品物一百五十

段粟一百五十石三品物百段粟百石正四品物七十  
段粟七十石從四品物六十段粟六十石正五品物五  
十段粟五十石從五品物四十段粟四十石正六品物  
三十段從六品物二十六段正七品物二十二段從七  
品物十八段正八品物十六段從八品物十四段正九  
品物十二段從九品物十段

行者守  
從高

王及二王後若散

官及以理去官三品以上全給五品以上給半若身沒  
王事並依職事品給其別勅賜者不在折限諸賻物應

兩合給者從多給諸賻物及粟皆出所在倉庫服終則不給

遣奠

周

晉

宋

大唐

周制大喪巾車氏飾遣車遂廬之行

廬興也謂陳駕之行之使人舉

之以如墓

喪祝御柩出宮乃代

喪祝二人相與更也

遣車視牢具

言車多少

各以所包遣奠牲體之數也然則遣車載所包遣奠而藏之者與遣奠天子太牢包九個諸侯亦太牢包七個大夫亦太牢包五個士少牢包三個大夫以上乃有遣車

疏布輶四面有障置於四

隅

輶其蓋也四面皆有障蔽以隱

凡包牲取下體國君

七个遣車七乘大夫五个遣車五乘

人臣賜車馬者乃得有遣車其差大

夫五諸侯七則天子九諸侯不以命數喪禮略也个為所包遣奠牲體之數也象既饗而歸賓俎也取下體者

脰骨象行也又俎實之終始也士包三个前脰折取臂膈後脰折取髀也君之嫡長殤車三

乘公之庶長殤車一乘大夫之嫡長殤車一乘

皆下成人也自

上而下降殺以兩成人遣車五乘長殤三乘下殤一乘尊卑以此差之庶子言公卑遠之傳曰大功之殤中從

上士喪祖奠之明日厥明陳鼎五於門外如初

鼎五羊豕魚腊

鮮獸各一鼎也士禮特牲三鼎盛葬奠加一等用少牢鮮新殺者如初如大飲奠時也

東方之饌

四豆脾析蟬醢葵菹羸

醢脾讀為鷄脾肫之脾脾析百葉蟬蟬也蟬音皮佳反羸音

力禾反

四籩棗糗栗脯

糗以豆  
糗粉餌

醴酒

此東方之饌與祖奠  
同在主人之南當前

輅北上  
巾之

陳器

明器也  
夜飲藏

滅燎執燭俠輅北面

照徹與  
葬奠

賓入

者拜之

明自啓至此  
主人無出禮

徹者入丈夫踊設於西北婦人踊

猶阼階升時亦既盥乃入由重東而主人踊猶其  
升也自重北西面而徹設於柩車西北亦猶序西南

入

舉入陳之也陳之蓋於  
重東北西面北上如初

乃奠奠者出主人要節而踊

亦以往來為節也奠由重  
北而西既奠由重南而東徹者出踊如初主人之史請

讀賵執算從柩東當前東西面不命無哭哭者相止也

喪大記云大夫命  
無哭士哭者相止

唯主人主婦哭公史自西方東面命

無哭主人主婦皆不哭讀遣卒命哭滅燭出

公史君之典禮書者

也遣者入壙之物君使史來讀之成其得禮之正以終也燭俠輅也雜記曰乃包奠而讀書

或問於

曾子曰夫既遣而包其餘猶既食而裹其餘與君子既

食則裹其餘乎

言既遣奠而又包之是與食於人已而裹其餘以持去何異君子寧為是乎言

傷廉

曾子曰吾子不見大饗乎夫大饗卷三牲之俎歸於

賓館父母而賓客之所以為哀

既饗歸賓俎所以厚之言父母家之主今賓客

之是孝子哀親之去

○晉賀循曰祖奠竟厥明又大奠大奠者加

於常一等士以少牢大夫太牢盛葬禮也是謂遣奠奠

畢包牲下體以為藏備大夫包五士包三遂行如墓初設遣奠士陳五鼎用少牢庶物備包之以奠今雖不能備禮宜加於常奠以盛送終也其以葬日晨而設之○

宋崔凱云朝於祖廟一宿明日載柩將至墓柩將還南向少牢之奠於車西名曰用薦遣奠尚饗大夫以上太牢其祝辭曰哀子某敢用潔牲剛鬣用薦此遣奠者也○大唐元陵儀注前三日所司設皇帝奉辭次於承天門外之左西向其日金吾仗衛如常儀鹵簿使先進玉

輅於承天門外東偏稍南輿輦鼓吹吉駕鹵簿並序列於玉輅前又進輶輦車當承天門中稍南凶儀明器序列於輶輦車前奠前一刻奉禮郎布文武羣官位於承天門外異位重行如太極庭中儀光祿卿具遣奠之饌以俎執事官位並先俎於門外之東龍輜至承天門外禮官贊止哭侍中進龍輜前跪奏稱請升輶輦車俛伏興司徒帥昇梓宮及所由奉梓宮升輶輦車所司設奠席於輶輦車東西向奉禮郎設罇坫於席東南設罍洗

於其南又設太尉版位於東西向禮官進省饌訖禮生  
贊光祿卿捧俎進跪奠於席上諸齋郎捧俎隨列於席  
上禮生引太尉就位禮官贊哭在位者皆哭又贊止哭  
在位者皆止哭禮生引太尉詣盥洗盥手洗爵詣罇坫  
所太祝舉冪酌醴齊禮儀使就次奏請皇帝出就次皇  
帝出次立於奠東西向太祝以醴齊授太尉訖禮儀使  
奏請皇帝去杖前進中官承傳止哭諸王妃主等皆止  
哭太尉以醴齊於皇帝之左跪進皇帝受醴齊跪奠於

饌前俛伏興少退立太祝持版進西北向跪讀祝文訖奠版俛伏興退復位皇帝哭踊禮儀使贊皇帝再拜諸王妃主及在位羣官等皆哭禮儀使跪奏請皇帝少退近侍扶皇帝少退於位少府監設讀哀冊褥於奠東禮官引冊案進舉冊官舉冊進至褥東西面以冊東向禮官贊太尉及羣官止哭中官承傳諸王妃主等皆止哭禮官引中書令進跪讀冊訖俛伏興退復位舉冊者以授祕書監祕書監以授符寶郎皇帝哭踊禮儀使奏請

皇帝再拜太尉羣官諸王妃主皆哭再拜少府徹褥光祿徹饌訖禮儀使跪奏稱輶輦車將發皇帝前哭盡哀禮儀使稱請再拜奉辭俛伏興皇帝稽顙哭踊再拜輶輦車發禮儀使跪奏請皇帝還宮俛伏興近侍扶引皇帝入次太尉以下於次南橫行進名再拜奉辭訖各就本職如諸王有故不赴山陵者竢皇帝奉辭入次後諸王進至輶輦之左以南為上哭盡哀再拜辭妃主內官不去者於輶輦車後帷中哭再拜辭訖禮生贊侍中於

輜輶車前跪請進發訖俛伏興百官以下儀制如開元禮

器行序

周

晉

大唐

周制大喪大司徒帥六卿之衆庶屬其六引

鄭司農云六引謂喪

車索也

小司徒帥邦役治其政教

喪役正棺引窆復土

遂人帥六遂

之役而致之掌其政令及葬帥而屬六綽及窆陳役

致役

於司徒給墓上事及窆也綽舉棺索用綽旁六執之者天子其千人歟

遂師帥其屬以帷

帟先道野役及窆抱磨共丘壟及蜃車之役

使以幄帟先者太宰

也其餘則司徒帷幄帝先所以為葬窆之間先張神座也  
廬車柩路也磨者適歷執紼者名也遂人陳之遂帥抱

持版之名

士喪既遣奠行器

目葬行明器在道之次

茵苞器序從

如其陳

車從

次器

商祝執功布以御柩執披

居柩車之前若道有低仰

傾虧則以布為抑揚左右之節使  
引者執披者知之士執披者八人

諸侯執紼五百人四

紼皆銜枚司馬執鐸左八人右八人匠人執羽葆御柩

大夫之喪執引者三百人執鐸者左右各四人御柩以

茅

五百人一黨之人也諸侯之大夫邑有三百戶之制  
紼引同耳廟中曰紼在途曰引互言之也御柩者居

前導正之大  
夫士皆二紼

弔非從主人也四十者執紼

言弔者必助  
主人之事從

猶隨也成人二十以上至四十以下丁壯時也曲禮云助葬必執紼主人袒廼行踊無算

袒為行變也乃行謂柩車行也凡從柩者先后左右如遷於祖之序出宮踊襲哀次至於邦

門公使宰夫贈玄纁束邦門城門贈送主人去杖不哭由左聽

命賓由右致命柩車前輅之左右也當時止柩車主人哭拜稽顙賓升

實幣於蓋降主人拜送復位杖廼行升柩車之前實其幣於棺蓋之柳中

若親授之然復位反柩車後○晉賀循云喪車前後四引引十人合

四十人十人一帳合四十四人皆素服白幘帳手執練

幡以部伍所主禁讙呼嬉戲四帳一吏主之也○大唐

制鴻臚寺司儀署令掌凡引披鐸翬挽歌熏帳之屬三品以上四引四披六鐸六翬六品以上二引二披四鐸四翬九品以上二鐸二翬凡執引披者皆布幘布深衣其下帳五品以上用素繒六品以下用練婦人用綵至邦門三品以上贈以束帛一品加乘馬既引又遣使贈於郭門外皆以束帛一品加璧餘具開元禮

挽歌

周

漢

晉

宋

大唐

魯哀公十一年吳子伐齊將戰齊將公孫夏命其徒歌

虞殯

杜元凱曰虞殯送奠歌曲也公孫夏示必死故命其徒而歌之孔穎達曰虞殯者謂啓殯將虞之歌

也今人謂之挽歌

○漢高帝時齊王田橫自殺其故吏不敢哭

泣但隨柩叙哀而後代相承以為挽歌蓋因於古也○

晉成帝咸康七年有司聞奏依舊選公卿以下六品子

第六十人為挽郎詔又停之摯虞云漢魏故事大喪及

大臣之喪執紼者挽歌新禮以為挽歌出於漢武帝役

人歌勞聲辭哀切遂以為送終之禮雖音曲摧愴非經

曲所制不宜以歌為名按挽歌詩稱君子作歌惟以告

哀以歌為名亦無所嫌宜定新禮如舊○宋文帝元嘉十七年元皇后崩詔停選挽郎○大唐元陵之制屬三繆練紼於輜輶車為挽凡六紼各長三十丈圍七寸執紼挽士虎賁千人皆白布袴褶白布介幘分為兩番挽郎二百人皆服白布深衣白布介幘助之挽兩邊各一紼挽歌二部各六十四人八人為列執翬品官左右各六人皆服白布禭衣白布介幘左右司馬各八人皆戴白布武弁服白襦布

襦音屬謂襦長

無領緣並執鐸代哭百五

十人衣幘與挽歌同至時有司引列於輜輶車之前後  
其百官制鴻臚寺司儀署令掌挽歌三品以上六行三  
十人六品以上四行十六人皆白練褙衣皆執鐸帳

葬儀

周

晉

大唐

周制冢人掌公墓之地辨其兆域而為之圖先王之葬

居中以昭穆為左右

公君也圖謂畫其地形及丘壠所處而藏之先王造塋者昭居左穆

居右夾處東西

方相氏掌蒙熊皮黃金四目玄衣朱裳執戈揚

盾大喪先柩及墓入壙以戈擊四隅毆方良

壙穿地中也方良也

魘也木石之怪

旅賁氏繅葛執戈盾夾王車左八人右八人車

止則持輪巾車執蓋從車持旌

從車隨軀路持蓋旌者王平生車建旌雨則有

蓋今蜃車無蓋執而隨之象生時育也所執者銘旌

喪祝掌勸防之事

勸猶倡帥前引者防

謂執披備傾虧也

及辟令啓

鄭衆云辟謂除蔽塗樽令啓謂喪祝主命役人問之辟音毗亦反蔽

音在小祝設道齋之奠分禱五祀

齋猶送也送道之奠謂遣奠也分其牲體

以祭五祀告王去此宮中不復反故祭之禮王七祀五者司命大厲平生出入不以告

及壙喪祝

脫載除飾

鄭衆云去棺飾謂帷荒池四翼之屬今可舉移安厝

司几筵設葦席右

素几其椁席用萑黼純

椁席藏中神座之席

掌蜃掌飲互物蜃物

以供闔壙之蜃

互物蚌蛤之屬闔塞也將井椁先塞下以蜃禦濕也

遂入藏凶器

既葬小宗伯詔相喪祭之禮成葬而祭墓為位

成葬立已封也

天子之冢蓋不三日而畢位壇位也先祖形體託於此地祀其神以安之家人為尸

又冢人云凡

諸侯及諸臣葬於王墓授之兆凡諸侯居左右以前卿

大夫士居後各以其族

子孫各就其所出王以尊卑處其前後而亦併昭穆

凡死

於兵者不入兆域

戰敗無勇投諸塋外以罰之

凡有功者居前

居王墓之

前處昭穆之中央

以爵等為丘封之度與其樹數

別尊卑也王公曰丘諸臣

曰封漢律曰列侯墳高四丈關內侯以下至庶人各有差

樞行至於壙陳器於道東

西北上

統於壙

茵先入

當藉柩也元士則葬用帑軸加茵焉

屬引

於是脫載除飾屬引

於緘耳

君葬用輅車四綽二碑御棺用羽葆大夫用輅車

二綽二碑御棺用茅士葬用國車二綽無碑比出宮御

棺用功布

輅車柩車也尊卑之差在棺曰綽行道曰引至壙將窆又曰綽而設碑是以連言之碑桓

楹也將墓樹於壙四隅以綽統之以下棺也御棺居前為節度也士言比出宮用功布則出宮而止至壙無矣

主人袒衆主人西面北上婦人東面皆不哭

俠義道為位

乃

窆主人哭踊無算

窆下

襲贈用制幣玄纁束拜稽顙踊

如初

丈八尺曰制二制合之束十制五合

卒袒拜賓主婦亦拜賓即位拾

踊三襲

主婦拜女賓也即位反位也

賓出則拜送

相問

藏器於旁加

見

器用器役器也見棺飾更謂之見者加此則棺柩不復見矣先言藏器迺云加見者器在見內也內之者

明君子終於事不

藏苞匭於旁

於旁者在見外也不言甕甗饌相次可知也兩

兩而居喪大記曰棺槨之間君容柩大夫容壺士容甗

加折卻之加抗席覆之加

抗木天子七月而葬五重八襲諸侯五月而葬三重六

襲大夫三月而葬再重四襲

三重者謂抗木與茵也葬者抗木在上茵在下也既

云抗木橫三縮二加抗席三加茵用疏布緇剪有幅亦縮二橫三

實土三主人拜鄉人

謝其勤勞

即位踊襲如初

哀親之在斯也

乃反哭檀弓云合葬非古

也自周以來

古謂殷以前

季武子曰周公蓋祔

祔謂合葬也合葬自周公

來以

孔子曰衛人之祔也離之

離之有以間其槨中

魯人之祔也合

之善夫

善夫善魯祔葬當合

孔子合葬於防

魯地

○說日記云葬於

北方北首三代之達禮也之幽之故也

北方國北

弁經葛而

葬與神交之道也

接神之道不可純凶也天子諸侯變服而葬冠素弁以葛為環經既虞卒

哭乃服受服也離記曰凡弁經其纁侈袂

有敬心焉

踰時哀衰而敬生也敬則服有飾也大夫士三

月而葬未踰時

周人弁而葬殷人皐而葬

周弁殷皐俱象祭冠而素禮同

凡殉

葬非禮也陳子車死於衛其妻與其家大夫謀以殉葬

定而後陳子亢至曰夫子疾莫養於下請以殉葬子亢

曰以殉葬非禮也雖然則彼疾當養者孰若妻與宰得

已則吾欲已不得已則吾欲以二子者之為之也

子亢子車

弟孔子弟子下地下也度諫之不能止以斯言拒之已猶止也

於是弗果用

果決

陳乾昔

寢疾屬其兄弟而命其子尊已曰如我死則必大為我

棺使吾二婢子夾我

婢子妾也

既死其子曰以殉葬非禮也

況又同棺乎弗果殺

善尊已不陷父於不義

子路曰傷哉貧也生

無以為養死無以為禮也孔子曰啜菽飲水盡其歡斯

之謂孝歛手足形還葬而無槨稱其財斯之謂禮

還猶疾也

謂不及其日月

國子高曰葬也者藏也藏也者欲人之弗得見

也是故衣足以飾身棺周於衣槨周於棺土周於槨

言皆

所以為深邃也難人發見之也國子高成子高也成謚也

反壤樹之哉

反覆也怪不如此太古也而

反封樹之意在於儉非周禮

又曰吾聞之也生有益於人死不害於

人吾縱生無益於人可以死害於人乎我死則擇不食

之地而葬我焉

不食地謂不墾耕

夫子居於宋見桓司馬自為

石槨三年而不成夫子曰若是其靡也死不如速朽之

愈也子游問喪具夫子曰稱家之有無子游曰有無惡

烏音乎齊

音劑惡乎齊問豐省之比

夫子曰有毋過禮苟亡矣歛首足

形還葬

還之言便也言已歛即葬之不待三月

懸棺而窆

不設碑緯不備禮也窆下棺也

人豈有非之者哉

不責於所不能

孔子之喪有自燕來觀者舍

於子夏氏子夏曰聖人之葬人與人之葬聖人也子何

觀焉昔者夫子言之曰吾見封之若堂者矣見若坊者

矣

坊形旁殺平上而長

見若覆夏屋者矣

覆謂茨瓦也夏屋今之門廡也其形旁廣而卑

見若斧者矣

斧形旁殺刃上而長

從若斧者焉

孔子以為刃上難登狹又易為功

馬鬣封之謂也

俗間名

今一日而三斬板而已封

板蓋廣二尺長

六尺斬板謂斷其縮也三斷止之旁殺蓋高四尺詩曰縮板以載

尚行夫子之志乎哉

尚廣幾也

曾子問葬引至於垣日有食之則有變乎且不乎

垣道也變謂異禮也垣音古鄧反

孔子曰昔者吾從老聃助葬於巷黨

及垣日有食之老聃曰丘止柩就道右止哭以聽變既

明反而後行曰禮也

巷黨黨名也就道右者行相左也變日蝕也反復也

反葬而

丘問之曰夫柩不可以反者也日有食之不知其已之

遲數則豈如行哉

已止也數讀作速

老聃曰諸侯朝天子見日

而行逮日而舍奠大夫使見日而行逮日而舍

舍奠每將舍奠

行主夫柩不蚤出不莫宿

侵晨夜則近姦寇

春秋左氏傳曰魯成

公二年宋文公卒始厚葬用蜃炭益車馬始用殉

燒蛤為炭

以瘞壙多埋車馬用人從葬

重器備

重猶多

槨有四阿棺有翰檜

四阿注

槨也翰旁飾檜上飾皆玉璫

君子謂華元樂舉於是乎不臣臣治煩

去惑者也是以伏死而爭今二子者君生則縱其惑

文謂

十八年穀母弟頊

死又益其侈是棄君於惡也何臣之為

若言何用

為臣魯昭公十二年左傳曰鄭簡公卒將為葬除及游氏

之廟

游氏子太叔族

將毀焉子太叔使其除徒執用以立而無

庸毀

用毀廟具

曰子產過女而問何故不毀迺曰不忍廟也

諾將毀矣

教毀廟者之辭

既如是子產迺使避之司墓之室有

當道者毀之則朝而崩

補節反下棺

弗毀則日中而崩子太

叔請毀之曰無若諸侯之賓何

不欲久留賓

子產曰諸侯之

賓能來會吾喪豈憚日中無損於賓而民不害何故不

為遂弗毀日中而葬君子謂子產於是乎知禮禮無毀

人以自成也曾子問曰下殤土周葬於園遂輿機而往

塗邇故也

土周聖周也周人以夏后氏之聖周葬下殤於園中以其去成人遠不就墓也機舉尸之

牀也以繩絙其中央又以繩從旁鉤之禮以機舉尸舉之以就園而歛葬焉塗邇故耳

今墓遠則

其葬也如之何

今人歛下殤於宮中而葬之於墓與成人同墓塗邇遠其葬當舉其棺乎載之

也問禮之變也

孔子曰吾問諸老聃曰昔者史佚有子而死下

殤也墓遠

蓋歛葬墓如長殤從成人也長殤有送葬車者則棺載之矣史佚武王時賢史也賢猶有

不召公謂之曰何以不棺歛於宮中

欲其歛於宮中如成人也歛於宮中

則葬當載之棺音古患反下棺衣同

史佚曰吾敢乎哉

畏知

召公言於周

公

為史佚問

周公曰豈不可

言是豈於禮不可也不許之

史佚行之

佚指以為

許也遂用召公之言

下殤用棺衣棺自史佚始也

棺謂歛於棺也

曾子問

曰並有喪如之何何先何後

並為父母若親同者同月死也

孔子曰葬

先輕而後重其奠也先重而後輕禮也自啓及葬不奠

不奠務於當葬者

行葬不哀次

不哀次輕於在殯者

反葬奠而後辭於殯

遂脩葬事

辭於殯謂告將葬休期也

其虞也先重而後輕禮也○晉

賀循葬禮云至墓之位男子西向婦人東向先施幔屋

於埏道北南向柩車既至當坐而住遂下衣几及奠祭

哭畢柩進即壙中神位既寔乃下器壙中薦棺以席緣

以紺繒植翬於牆左右挾棺如在道儀○大唐元陵儀  
注山陵日依時刻吉凶二駕備列訖尚輦帥腰輿繖  
扇入詣神座前內侍捧几內謁者捧香爐各置輿上中  
官帥其屬舁衣箱以出神輿至玉輅後內常侍捧几置  
輅中尚輿等退就列中官以衣箱傳授尚衣奉御置於  
玉輅及副車中神駕動警蹕如常千牛將軍夾輅而趨  
至侍臣上馬所禮生贊侍臣上馬侍臣上馬訖夾侍於  
前禮生在供奉宮內諸侍衛之官各督其屬左右翊神

駕動鹵簿官以黃麾麾之鼓吹振作警蹕如常當陵門以赤麾麾之鼓吹不作侍臣下馬步導於前神駕至吉帷宮迴車南向尚輦帥腰輿繖扇至輅後內常侍奉几置輿上繖扇侍奉至帳殿下內侍捧几置座上內謁者捧香爐置座前輿等退就列玉輅及鹵簿侍衛之官停列於帷宮門外吉駕引禮官贊侍中進輶輦車靈駕前奏請靈駕發引俛伏興退司馬執鐸挽郎執紼挽歌振作及挽以進內外哭從以赴山陵靈駕至陵門西凶帷

帳殿下迴駕南向公主及內官以下並降車障以行帷  
哭於凶帳殿之西東向北上羣官皇親哭者序立於帷  
門外東西相向北上哭十五舉聲止各退就次前三刻  
奉禮郎於隧道東南量遠近設皇親諸親奉辭位又於  
其南設應從文武官五品以下奉辭位又於其南設六  
品以下奉辭位每等異位重行西面北上設奉禮郎位  
於其北禮生二人立於其南差退內謁者於隧道西南  
稍北帷內設公主王妃及內官以下奉辭位東向北上

前一刻所司設奠席於輜輳車前設罍洗篚於東南罍在洗西篚在洗東於是羣官列位序立光祿卿帥其屬以饌奠於席上禮官引太尉詣罍洗盥手洗爵詣罇坫所太祝酌醴齊訖太尉跪奠於饌前俛伏興太祝持版進太尉之左跪讀文訖奠版俛伏興太尉再拜在位者皆再拜發引至南神門將作監進龍輜於靈駕之後禮官贊侍中進輜輳靈駕前跪奏稱請降靈駕御龍輜俛伏興退舁梓宮所由迺奉遷梓宮至龍輜舁梓宮官左右

捧從司空以巾拭梓宮并拂夷衾少府屬緋於龍輜禮  
官贊侍中進龍輜前跪奏稱請引龍輜即玄宮俛伏興  
退挽郎執紼奉引龍輜左迴北首禮官贊司徒前導白  
幟弩素信幡大旒及翬皆依次而引近伏近侍夾進如  
禮官導通事舍人引太尉先導於龍輜之左主節官帥  
持節者脫節在太尉之前差退代哭者及挽歌皆序於  
門外之西重行東向押官排比以俟皇親諸親羣官等  
哭從公主王妃及內官等障以行帷龍輜至羨道停於

帷下南首以俟時妃主內官以下於羨道西南帷內就位東向哭通事舍人分引羣官皇親諸親各就奉辭位所由各贊哭在位者皆哭其吉鹵簿侍奉官少前序立於門外之東西向北上哭皆三十舉聲止再拜奉辭至時內官以下吉服奉遷梓宮入自羨道奉接安於御榻褥上北首覆以御衾龍輜退出其押吉鹵簿官並服白布巾衫就哭將掩玄宮並依前服吉服初梓宮降自羨道奉禮郎設太尉進寶冊贈玉幣位於羨道東南西向

設禮儀使奉寶冊玉幣位於太尉之南又設祕書監位於其南禮官導通事舍人引太尉以下俱吉公服各就位又導持節者服節衣引太尉之前禮部侍郎奉寶綬

案謚冊案哀冊案每案四人對舉

用九品以上清資官昇

立於太

尉之西南少府監奉贈玉置於匣帥其屬捧立於禮部侍郎之西太府卿奉幣立三纁二置於篚帥其屬捧立

少府監之西俱北面各立於寶冊玉幣之後

按立衣纁裳周制也

當時所服故以為幣服近代及今則皆不用滯儒執古儀注復存斯未達禮從宜及隨時之義也具昏禮篇不

復重載

立定禮官導通事舍人引禮部侍郎取寶綬於案

進授太尉又禮生一人引祕書監取謚冊哀冊進授禮

儀使

其冊如重則判官助祭

又引少府監取玉於匣并薦巾又引

太府卿取幣進授禮儀使以幣承巾玉禮部侍郎以下

並退龍輜既出禮儀官分贊太尉禮儀使奉寶冊玉幣

並降自羨道至玄宮太尉奉寶綬入跪奠於寶帳內神

座之西俛伏興禮儀使以謚冊跪奠於寶綬之西又以

哀冊跪奠於謚冊之西又奉玉幣跪奠於神座之東並

退出復位禮生引將作監少府監入陳明器白幘弩素

信幡翬等分樹倚於牆大幡置於戶內

其趺竿燒之自餘明器各以次

逐使陳之使有行列

陳布訖并內官以下並出羨道就位所由贊

內外哭羣官皇親諸親并吉儀侍奉官皆哭三十舉聲

再拜又再拜奉辭訖引退以出中官贊公主王妃並退

出周以行帷至門乘車以扈從禮生導主節官帥持節

者引太尉及司空山陵使將作監御史一人監鑾閉玄

宮司空復土九鍾

所司帥作工續以終事

其先除服者並改服凶

儀鹵簿解嚴退散輜輶車龍輜之屬於栢城內庚地焚  
之其通人臣用者則不焚神龍元年十二月將合葬則  
天皇后於乾陵給事中嚴善思上表曰臣謹按天元房  
錄葬法云尊者先葬卑者不合於後開入臣伏聞則天  
大聖皇后欲開乾陵合葬然以則天皇后卑於天皇帝  
帝若欲開陵合葬即是以卑動尊事既違經恐非安穩  
臣又聞乾陵玄宮其門以石閉塞其石縫鑄鐵以固其  
中今若開陵其門必須鑄鑿然以神明之道體尚幽玄

今乃動衆加功誠恐多所驚瀆又若別開門道以入玄宮即往者葬時神位先定今更改作為害益深伏以漢時諸陵皇后多不合葬魏晉以降始有合者然以西漢積年尚餘四百魏晉以後祚皆不長伏望依漢朝之故事改魏晉之類網於乾陵之旁更擇吉地取生墓之法別起一陵既得從葬之儀又成固本之業伏以合葬者緣人私情不合葬者前循故事若以神道有知幽途自得通會若以死者無知合之復有何益伏望少迴天眷

俯覽臣言行古昔之明規割私情之愛欲使社稷長享  
天下乂安疏奏令百官詳議尋有勅令准遺詔合葬開  
元二十一年二月定安公主初降王同皎後降韋濯又  
降博陵崔銑銑復先卒及是公主薨其子駙馬王繇請  
其父合葬勅旨依給事中夏侯銛駁之曰公主自昔降  
婚梧桐半死逮乎再醮琴瑟兩亡則生存之時已與前  
夫義絕殂謝之日合從後夫禮葬今若依繇所請却祔  
舊姻恐魂而有知王皎不納於幽壤死而可作崔銑必

訴於玄天國有典章事難逾越原繇此意雖申罔極之情本禮而行或致不稽之誚銛謬膺駁正敢曠司存請旁移禮官并求指定下太常寺請議貞觀十一年十月詔曰諸侯列葬周文創陳其禮大臣陪陵魏武重申其制去病佐漢還奉茂陵之塋夷吾相齊終託牛山之墓斯蓋往聖垂範前賢遺則在曩昔之宿心篤始終之大義也皇運之初時逢交喪謀臣武將等蒙先朝待遇者自今以後身薨之日所司宜即以聞並於獻陵左側賜

以墓地并給東園祕器喪葬令凡五品以上薨卒及葬祭者應須布深衣幘素幕輦皆官借之其内外命婦應得鹵簿者亦如之其墓田之制一品塋先方九十步今減至七十步墳先高丈八尺減至丈六尺二品先方八十步今減至六十步墳先高丈六尺減至丈四尺三品先方七十步減至五十步墳先高丈四尺減至丈二尺其四品先方六十步減至五十步墳先高丈二尺減至丈一尺五品先方五十步減至四十步墳高一丈減至

九尺六品以下先方二十步減至十五步墳高八尺減至七尺其庶人先無文其地七步墳高四尺其送葬祭盤不許作假花果及樓閣數不得過一牙盤其百官葬儀具開元禮

通典卷八十六